

近代中國史料叢刊第二十三輯

沈雲龍主編

于中丞（蔭霖）奏議

于翰篤編

附：家傳·南陽商學偶存

文海出版社印行

煉齋奉
議十卷

半園居士



刊於都門
民國十二年

2473/04

于中丞奏議序

河南巡撫吉林于公次棠之奏議凡若干篇電
奏若干篇其子翰篤編爲十卷而屬劭恣序之
光緒之初公在春坊與南皮張文襄公翰林侍
講學士豐潤張公詹事府少詹瑞安黃公並以
直言敢諫名聞天下凡朝廷用人行政壹不愜
於輿論必抗疏力爭不避怨嫌而兩張公與黃
公皆公館閣後進一切建白必與公熟籌審計
公亦侃然以匡君之責自任故當世稱爲翰林

四諫是時 冲皇踐祚 孝欽皇后親裁大政
虛懷容納雖戇直過甚不以爲忤也然用事大
臣終以不便所爲因京察一等出公爲分巡荆
宜施道其後張文襄公出爲山西巡撫豐潤張
公以兵事獲嚴譴黃公以絳吏議去官言路稍
塞矣洎公由雲南布政使丁憂歸吉林將軍長
順誣劾公弟編修鍾霖公疏請查辦讞獄者周
內其事并鑄公秩旣而公再起爲安徽布政使
擢湖北巡撫是時張文襄公方爲湖廣總督拳

匪構覺兩宮西狩士大夫鑒於一時之禍爭謂
舊學做窳非步趨泰西新法不足以致富强雖
文襄亦爲之歆動焉而公獨力言救時之計在
於正人心辨學術若用夷變夏恐異日之憂愈
不可測度用事者迂之遂調公巡撫河南旋移
廣西又謂公不善外交而公亦謝病求去矣嗚
乎自朝廷變法之後邪說朋興適爲篡盜者之
馮藉公卒未十年而天下之事潰裂如此然後
知公之持正其言不可易非張文襄公所及也

劭恣以葭葦之末辱公知最早今老且病追維禍亂之始不自覺其涕泗之橫貫也然則公之未竟所施又豈僅爲公惜也哉公當官蒞事已詳於榮成孫葆田所撰之墓誌茲不具論焉辛酉秋八月館晚生膠州柯劭恣謹撰

清史本傳

于蔭霖字次棠吉林伯都訥廳人咸豐九年進士改庶吉士同治元年授編修以父老請歸養父歿終喪還朝從大學士倭仁問學光緒初俄羅斯議還伊犁蔭霖疏劾欽差大臣崇厚擅許天山界地數百里及崇厚被逮有爲之遊說者復嚴疏劾之且劾樞臣畏蒞欺罔同時張之洞黃體芳張佩綸皆喜言事稱翰林四諫再遷中允聞兄觀霖病立請開缺歸侍疾兄歿家居二

載始奉母入都八年授湖北荆宜施道是秋淫
雨漢水溢檄所屬開倉振濟又濬紫貝淵上游
改閘爲壩疏支流洩積潦水患始息新荊州書
院設經義治事兩齋生徒雲集講舍至不能容
禽斬盜魁李人奴等餘黨屏息宜昌民教構訟
法領事袒教民挾兵艦至蔭霖不爲動後卒無
事英商漏宜昌關稅旣覺乃納賕請免不許請
補稅許之英商歎其廉出語人曰自吾入中國
希見有此人也十一年擢廣東按察使廣東素

多盜至白晝劫掠衢市蔭霖言於總督張之洞
奏請就地正法報可順德廩生簡朝亮有學行
緣事繫獄察其枉立出之十二年遷雲南布政
使丁母憂服闋改授臺灣布政使未行會弟編
修鍾霖以前在籍與蔭霖同辦振務爲姦商湯
連魁誣控獲譴蔭霖具疏辨詔遣大臣卽訊頗
得連魁行賄狀然蔭霖猶坐是落職廢居京師
二十年日本戰事起往奉天襄依克唐阿軍請
募兵二萬自效詔許募萬人分四軍與民團相

應援明年和議成總督張之洞山東巡撫李秉衡交章論薦詔賞三品頂戴署安徽布政使至則清釐田賦杜絕欺隱增墾田萬八千餘畝擲節庫儲至二百萬金於是建學選士嚴察僚屬政化流聞二十三年德人索膠州灣又聯朝廷罷川督李秉衡蔭霖奮然曰是尙可爲國乎上疏極論王大臣不職因附陳修省五事不報二十四年擢湖北巡撫之洞爲總督頗主泰西新法蔭霖斷斷爭議以爲救時之計在正人心辨

學術若用夷變夏恐異日之憂愈大之洞意迂
之然仗其清正使治吏事湖北財賦倚釐金蔭
霖精心綜核以舉劾爲激揚歲入驟增數十萬
二十七年調撫河南方是時拳匪構釁兩宮西
狩德法兵日謀南下而河北莠民往往仇殺教
民蔭霖檄彰衛懷道馮光元捕誅首惡數人德
法兵至順德聞教案已結乃還二十八年調湖
北會詔裁缺改廣西廷議蔭霖不善外交復降
旨開缺假居南陽三十年卒蔭霖晚歲益潛心

儒先性理書雖已貴服食不改儒素朱子書不
離案側變法議起蔭霖雖深疾之然其言曰取
人之長當求實用不當徒飾外觀人亦不能難
之著有棟齋集

棟齋遺書奏議目錄

吉林于蔭霖次業著

男 翰 篤編錄

門人王莘林參校

卷一

力絕要盟敬陳管見摺

力絕要盟大議已定應速籌備防至計摺

糾劾大臣負國請振紀綱摺

辦糶招忌請賜查辦摺

卷二

代依將軍請飭部速撥軍需十三萬兩電奏

代李蘊齋學使陳奉省大局摺

代依將軍請添募兵勇以奉岫遼海數路勦賊自任

摺

代依將軍擬覆兩次電旨垂詢成軍電奏

代依將軍擬添兵萬人籌議餉械並約計何時成軍

摺

卷三

代依將軍請將梁鼎芬等四員發往軍營片

代依將軍請撥廣東機器局抬槍片

代依將軍請餉電奏

代依將軍陳明籌備軍械情形電奏

代依將軍請餉電奏

代依將軍請發餉械電奏

代依將軍陳明部撥十萬兩不敷應用電奏

代依將軍請撥前請三十萬兩電奏

代依將軍懇辭都統摺

請簡用賢能大臣並陳五事以救時局摺

卷四

接受湖北撫篆日期謝恩摺

謝賞福字恩摺

會奏現辦清訟章程並將積案各員分別示懲摺

會奏參劾庸劣妄爲各官紳以肅政紀摺

感冒暑濕未能速愈懇賞假一月醫治摺

會奏本年京倉採運仍懇照案停辦俾挪價腳兩款

撥濟鹽釐剝船要需摺

假期屆滿病未全愈懇恩續假摺

續假期滿病體漸愈力疾銷假摺

密陳司道知府考語摺

謝賞福字恩摺

指省山西裁缺嘉義縣知縣鄧嘉縝懇特加擢用片

補用同知直隸州李紹遠辦理漢口釐局積弊一清
懇破格錄用片

年終考察各屬辦理保甲團練積谷塘堰並整頓釐
金各情形片

會奏審明聽糾夥搶官船得贓並因禁米出境藉端
滋事各犯分別案例定擬摺

卷五

會奏德安府知府仍請以候補知府施紀雲補授摺
會奏部撥漕標添募新軍月餉湖北無款籌解請改
撥摺

添募兩營製造抬槍原擬北上現幫同防緝仍候調遣請旨遵行摺

遵旨趕造抬槍及籌款多造片

稅釐併徵不如辦洋貨統捐並附陳三端一要電奏薦前四川總督李秉衡幫辦武衛軍電奏

事勢孔棘懇特召重臣以固根本因電中阻恭摺密

陳摺

請簡重臣總統入衛各軍以一事權摺

薦李秉衡摺內詞有未盡謹再瀆陳片

敬舉理財賢員摺

請飭查舊有洋槍式樣相同者設廠專造子藥以備
急需摺

會奏戶部撥補湖北宜昌鹽釐款多無著仍請改撥
以濟要需摺

特舉州縣賢員懇恩逾格錄用以裨時艱摺
請調魏晉楨來鄂差委片

卷六

會奏遵旨力籌練兵新餉擬請援照湖南奏案推廣
川淮鹽斤加價以供急需摺

會奏遵旨察吏據實參劾摺

會奏請將試用知府丁柔克等革職片

會奏湖北賑捐解款較鉅之道員懇恩獎勵摺

會奏籌擬運米接濟辦法電請陝西巡撫代為繕發

摺

會奏德安府缺請特旨准以候補知府施紀雲補授

片

敬舉真才懇簡畀錄用摺

請將道員爽良以同知歸部銓選片

卷七

恭報接受豫撫篆抵省日期摺

請劃留甘餉撥抵本省新募各營餉需摺

請留鐵路經費及松滬釐金兩項以資籌防片

續籌由水路起運購辦米石以資接濟摺

採購米石運費無出請截留漕折銀二萬兩以資運費片

加提武衛左軍新餉豫省無可再籌擬請飭部改撥以濟軍食而免貽誤摺

請將銳威軍押送遣勇沿途需索車價委員候補都司杜召棠革職片

特派道員暫行節制河北本省各軍並將應行查辦

之總兵撤去分統以肅軍紀摺

請調知縣差委摺

請調各員准其委署片

請將行豫鹽斤續行加價以濟餉需摺

請將存撥甘軍米石先行運陝片

過境差車請由各省發價摺

各營練餉巡餉另作專款由司支發片

卷八

查明州縣被參按站擾累各節據實覆陳分別擬辦
並擬妥定章程以善其後摺

查明閔鄉縣劫案請將知縣參革並增定緝捕章程
摺

起解備荒米麥並查明遏糴截糧拏車各節暨運道
爲難情形摺

查明豫境站數繪圖進呈並另行籌備車輛摺
蹕路經行地方委臬司前往覆勘片

請將藩司少緩交卸俟新任到豫再行交卸摺
署南陽鎮尹嘉賓革職片

覆陳駐豫援軍會商整頓及豫省防營分布防守各
情形摺

卷九

修治運道挪用鐵路經費一萬兩片

署南陽縣知縣袁福齡革職仍留勒緝逸犯片

調補鄂撫叩謝天恩請陞見摺

由鄂帶豫勇營應否留豫抑仍回鄂請旨摺

甘餉松滬釐金並漕折尾數均請緩解摺

署浙川廳同知連文淵交部議處片

請截留過境京餉以備回鑾供支摺

謝賞給頭品頂戴摺

武衛左軍新餉自本年二月分起按月搭解摺

候補道馮光元請量予獎勵片

遵旨條議敬抒管見摺

卷十

河北各屬法國教案一律完結摺

法主教司德望請賞給三品頂戴片

臬司鍾培覆勘蹕路回省銷差片

岑道調署河陝汝道朱道委署彰衛懷道片

豫省連次大風飭屬查報各情形片

機器局採辦物料籌銀二萬二千兩片

捷勝五營先行裁撤以紓餉力摺

四川合江縣監生陳時濟續捐振銀彙案請獎片

朱壽鏞調署彰衛懷道片

調補廣西巡撫謝恩摺

河南保舉知府周鉞送部引見片

恭報交卸豫撫篆日期並請假三箇月摺

請開復鎮平縣知縣徐壽茲片

悚齋遺書奏議卷一

男翰篤編錄

吉林于蔭霖次棠著

門人王萃林參校

力絕要盟敬陳管見摺

奏爲力絕要盟速定大計 飭廷臣預籌備敵之策敬陳

管見仰祈 聖鑒事本月初四日恭閱邸抄欽奉

上諭此次會議事件中外臣工及在籍大員如有所見或
自行具摺或呈請代奏均據實直陳等因欽此仰見

皇太后 皇上垂念大局博採周咨不遺葑菲之至意
臣謹就愚慮所及敬瀝陳之崇厚罪在不赦天下公論所

臣不復言崇厚之罪宜誅但言今日國是敵情必不可
不誅崇厚且慮左右諸臣狃於和議積習曲事瞻徇既導
我皇太后皇上以輕縱崇厚必將中之以遷就
苟且之言深誤大計也崇厚何如罪而僅被以不候

諭旨之輕文予以交部嚴議之薄懲將來辦法可知矣此
次崇厚所與俄人約議除決斥更無他說欲決斥要求除
正崇厚之罪以伸悖旨擅許之明誅更無下手之處若
不誅崇厚而議和除照崇厚擅許各條遷就苟從亦別無
他策是則俱是非則俱非此今日事機相因之大較也臣
思崇厚擅許非他土地也人民也華夷之嚴疆也中國之

要害也守國者守此四者而已四者有一授人國事必不

可問臣料諸臣今日必不敢妄陳於皇太后

上之前謂此非國家大局所關要而予之無害也然而

徐徐之言終必及此也夫使諸臣果真以國家土地人

民嚴疆要害必不可分毫削損尺寸與人必將絕和局必

將理戰事必力請於皇太后務當首誅崇厚以絕敵

人覬覦之心以舒中國臣民之憤以作天下忠義之氣且

必上告我皇太后謂不如此崇厚之罪不正則俄人

之責言必煩要我必愈堅犯我必愈速擅許之件必不能

一概屏絕此皆諸臣智慮所及而願計不出此者臣固知

諸臣非有所愛於崇厚也蓋自厯辦洋務以來遷就苟且之計深中於其心至於今日時局敗壞已極衆論洶洶而諸臣遷就苟且之心未嘗忘也臣以其不欲重罪崇厚之心推之終必導我皇太后以不可從者而亦從不可予者而亦予則是將來辦法不過與崇厚相去在分釐毫忽之間烏能請誅崇厚哉在主是議以搖動皇太后者其言大約不外和利而戰害也彼強而我弱也其乞緩罪崇厚者大約必謂既係全權大臣可以便宜行事則其失不無因也又必謂殺崇厚以絕和議則俄人必有食言之責兵端之啟也之數說者乃邪言非篤論也和局之裂

不裂只在所要之遂不遂必畏敗和只有概行許予然而予之以土地則益廣予之以人民則益衆予之以嚴疆則益險予之以要害則益利而益便總之齎盜人以糧而彼不煩舉手之費耳今日俄人果強而我又從而附益之此後之強不更强於今日乎至於崇厚正惟其權位極重故辱國尤當重誅夫兩敵要盟非信俄人納我叛將首先敗盟曲久在彼問罪之師我當先發至崇厚擅許之言言在崇厚倘不誅崇厚則俄人反將謂 朝廷真有是言而旣悔之故不能於崇厚加誅食言之責轉使有辭若先正崇厚擅許之誅正以見崇厚所許言本不出自 朝廷則何

食之有但謝以遣使非人足矣此不難解者也夫使以

國家土地人民嚴疆要害之重易崇厚以不死而可爲也

則臣復何言如其不然 前旨不卽將崇厚正法已令

敵人生倖深失事機今日挽回之計不可不決臣料俄人

狡譎雖幸崇厚輕許以言亦知事關大局 國家必不俯

允其始願不過索兵費耳祇以崇厚奉使無狀彼乃見事

生心其實仍無必得之計然旣已輕許之而亦不肯輕棄

正視我今日之待崇厚以觀 朝廷用心卜其進退崇厚

殺則謀必阻崇厚存則要必亟是在 皇太后之先定

厥志耳伏願

皇太后仰維

列聖締造顧念